

ՂԱՐԻՔՁԱՆՅԱՆ ԳԵՎՈՐԳ

ՈՒՂՂԻՉ ՇԱՐԺՈՒՄԸ ԵՎ ԱԶԳԱՅԻՆ ԱՌԱՋԱԴԻՄԱԿԱՆ ՃԱԿԱՏԻ ՉԵՎԱՎՈՐՈՒՄԸ ՍԻՐԻԱՅՈՒՄ

1967թ. արաբա-իսրայելյան պատերազմից հետո Միդիան հայտնվել էր բավական ծանր ներքաղաքական և սոցիալ-տնտեսական դրության մեջ: 1967թ. «վեցօրյա» պատերազմում կրած պարտության պատճառով սիրիական բանակը խորը բարոյական և հոգեբանական ճգնաժամ էր ապրում: 1966թ. փետրվարի 23-ին Միդիայում իշխանության եկած ձախբասականները գրեթե ուշադրություն չէին դարձնում պետության պաշտպանունակության ամրապնդման և բանակի վրա: Միդիայում ամմիսիթար էր մակ սոցիալ-տնտեսական իրավիճակը: Երկրում կառավարող Բասա՝ կուսակցությունում իրար դեմ պայքարում էին երկրի ներքին և արտաքին քաղաքականության մեջ տարբեր սկզբունքներ և մտեցումներ դավանող երկու խմբակցություններ՝ քաղաքացիական, որը գլխավորում էր Բասա կուսակցության սիրիական մասնաճյուղի գլխավոր քարտուղար Մալահ Ջադիդը և զինվորական, որի ղեկավարն էր պաշտպանության մախարար գեներալ Հաֆեզ ալ-Ասադը: Նա քննադատում էր ձախբասականների ներքին և արտաքին, ինչպես մակ սոցիալ-տնտեսական քաղաքականությունը, իսկ 1967թ. պատերազմում Միդիայի կրած պարտությունը պատճառաբանում էր ձախբասականների ոչ ճիշտ քաղաքականությամբ: Այս պայմաններում 1970թ. հոկտեմբերի 30-ին իր աշխատանքն սկսեց Բասասի Միդիայի երկրամասային 10-րդ արտահերթ համագումարը: Համագումարն ընդունեց բազմաթիվ որոշումներ, որոնցից մեկով զբաղեցված պաշտոններից հեռացվում էին պաշտպանության մախարար Հաֆեզ ալ-Ասադը և զինված ուժերի գլխավոր շտաբի պետ Մուստաֆա Տլասը: Համագումարը հայտարարեց մակ, որ դեմ է արաբա-իսրայելյան ճգնաժամի որևէ քաղաքական կարգավորման և կոչ արեց ժողովրդաազատագրական պատերազմի Իսրայելի դեմ: Ընդհանրապես ձախբասականները և հատկապես նրանց կարկառուն ներկայացուցիչներ վարչապետ Յուսեֆ Չուեյնը և արտաքին գործերի մախարար Իբրահիմ Մախուսը գտնում էին, որ Իսրայելի

դեմ հնարավոր է հաջող պայքարել միայն ժողովրդաազատագրական պատերազմի միջոցով՝:

Նման պայմաններում երկիրը քաղաքական և տնտեսական ճիշտ ուղու վրա դնելու և իր հակաճգնաժամային ծրագրերն իրականացնելու համար Ասադին ոչինչ չէր մնում անելու, քան իշխանությունը Միրիայում կենտրոնացնելու իր ձեռքում:

1970թ. նոյեմբերի 13-ին Միրիայի պաշտպանության նախարար գեներալ Հաֆեզ ալ-Ասադի գլխավորությամբ իրականացված միջոցառումների հետևանքով Միրիայում իշխանությունն անցավ զինվորական խմբակցությանը: Միրիական բանակը զբաղեցրեց ռադիոկայանը և հետուստաընկերությունը, ինչպես նաև «ալ-Բասս» և «աս-Մաուրա» պաշտոնական թերթերի խմբագրությունները: Ասադը նախկինում բազմաթիվ սպաների տեղափոխություններ էր անցկացրել բանակում՝ բոլոր գործառնասերը դնելով իր ուղղակի հսկողության տակ⁴: Նույն օրը ձերբակալվեցին և «Սեզզեի» բանտում բանտարկվեցին Միրիայի նախագահ Նուր ադ-Դին ալ-Աթասին և Արաբական սոցիալիստական վերածննդի կուսակցության (ԱՄՎԿ կամ Բասս) սիրիական մասնաճյուղի գլխավոր քարտուղար Մալահ Ջադիդը, իսկ արտաքին գործերի նախարար Իբրահիմ Մախուսը փախավ Ալժիր⁵: Նոյեմբերի 15-ին ստեղծվեց Բասս կուսակցության ժամանակավոր երկրամասային ղեկավարությունը: Վերջինս նոյեմբերի 16-ին հայտարարությամբ դիմեց բնակչությանը, որտեղ շարադրվում էր Միրիայի ղեկավարության գործունեության ծրագիրը ներքին և արտաքին քաղաքականության մասին⁶: Հայտարարության մեջ նշվում էր, որ «նոյեմբերի 16-ի շարժումը» կոչված էր ուղղելու ԱՄՎԿ-ի սիրիական մասնաճյուղի նախորդ ղեկավարության սխալները և կուսակցության առջև կանգնած խնդիրները լուծել նրա համագումարների որոշումները կյանքի կոչելով: Այստեղից էլ ծնունդ առավ «ուղիչ շարժում» անունը (արաբերեն «ալ-հառաքա աթ-թասիհիյա»):

Թեև Միրիայում տեղի ունեցավ իշխանափոխություն, այնուամենայնիվ, ուղիչ շարժման սկզբնավորմամբ Բասս կուսակցությունը պահպանեց իր կարգավիճակը՝ որպես իշխանության կուսակցություն, կամ նոր իշխանության գաղափարական հենարան: 1963թ. մարտի 8-ի հեղափոխության ժամանակ, երբ Բասս կուսակցությունը եկավ իշխանության գլուխ Միրիայում, Ասադը հինգ հոգուց բաղկացած ընդհատակյա ռազմական կոմիտեի գլխավոր առաջնորդներից մեկն էր, որը ղեկավարեց հեղափոխությունը: Նա պարզապես գտնում էր, որ ձախբասականները շեղվել էին կուսակցության հիմնական սկզբունքներից և ծրագրային դրուժներից և վարում էին ոչ ճիշտ ներքին և արտաքին քաղաքականություն:

1971թ. մարտի 12-ին համաժողովրդական գաղտնի քվեարկությամբ, պաշտոնական տվյալների համաձայն ստանալով ձայների 99,9 տոկոսը, Հաֆեզ ալ-Ասադը յոթ տարի ժամկետով ընտրվեց Սիրիայի նախագահ, իսկ ապրիլի 3-ին կազմավորվեց նոր կառավարություն՝ Արդ առ-Ռահման ալ-Խլեյֆաուիի գլխավորությամբ⁸: 1971թ. մայիսին զուտարվեց Բաասի 5-րդ երկրամասային համագումարը, որը ուղղիչ շարժման սկսվելուց հետո կուսակցության առաջին համագումարն էր⁹: Բաասի սիրիական մասնաճյուղի գլխավոր քարտուղար ընտրվեց Հաֆեզ ալ-Ասադը,¹⁰ իսկ ներքին քաղաքական ասպարեզում համագումարը հաստատեց Ազգային առաջադիմական ճակատ ստեղծելու իր մտադրությունը, ինչը մերժում էր նախկին ձախբասական ղեկավարության կողմից:

1972թ. Սիրիայի ներքին քաղաքական կյանքում տեղի ունեցած ամենանշանակալից իրադարձությունը երկրի ազդեցիկ տարբեր կազմակերպություններն ու կուսակցությունները միավորող Ազգային առաջադիմական ճակատի (ԱԱՃ) ստեղծումն էր, որի անհրաժեշտության մասին նշված էր «նոյեմբերի 16-ի» ուղղիչ շարժման ծրագրում: Սիրիայի առաջադիմական ուժեր համարվող կազմակերպությունները՝ Արաբական սոցիալիստական միությունը, Սիրիայի կոմունիստական կուսակցությունը, Արաբական սոցիալիստական յունիոնիստական շարժումը, Արաբական սոցիալիստների շարժումը Բաաս կուսակցության գլխավորությամբ 1972թ. մարտի 7-ին պաշտոնապես հայտարարեցին Սիրիայի Ազգային առաջադիմական ճակատի ստեղծման մասին¹¹: Ազգային առաջադիմական ճակատի կանոնադրությունը ստորագրեցին Բաաս կուսակցության գլխավոր քարտուղար Հաֆեզ ալ-Ասադը, Բաաս կուսակցության գլխավոր քարտուղարի տեղակալ Արդ Ալլահ ալ-Ահմարը, Սիրիայի վարչապետ զինեռալ-մայոր Արդ առ-Ռահման ալ-Խլեյֆաուին, Արաբական սոցիալիստական միության գլխավոր քարտուղար դոկտոր Ջամիլ ալ-Աթասին, Սիրիայի արդարադատության նախարար դոկտոր Ադիբ ան-Նահավին, Կոմունիստական կուսակցության գլխավոր քարտուղար Խալեդ Բեկդաշը, Սիրիայի պետական նախարար և կոմկուսի քաղբյուրոյի անդամ Յուսեֆ Ֆեյսալը, սոցիալիստ-յունիոնիստների անունից սիրիական կառավարության անդամներ Ֆահիդ Իսմայիլը և Մուստաֆա Հալլաջը և Արաբական սոցիալիստական շարժման անունից Արդ ալ-Ղանի Կաննուտը¹²:

Ճակատի կենտրոնական ղեկավարության 17 անդամներից 9-ը Բաասից էին, իսկ 8-ը՝ մյուս կուսակցություններից: ԱԱՃ-ի նախագահ դարձավ Սիրիայի Արաբական Հանրապետության (ՄԱՀ) նախագահ, Բաաս կուսակցության գլխավոր քարտուղար Հաֆեզ ալ-Ասադը¹³: Մարտի 9-ին հրապարակվեցին ճակատի հիմնական փաստաթղթերը՝ խարտիան և կանոնադրությունը: Խարտիայում նշվում էր Բաասի և ԱԱՃ-ի

գաղափարական ուղղվածության, քաղաքական և սոցիալ-տնտեսական ոլորտներում նախատեսվող ծրագրերի, ինչպես նաև համաարարական խնդիրների մասին: Գլխավոր նպատակ էր համարվում 1967թ. Իսրայելի կողմից գրավված արաբական տարածքների ազատագրումը: Խարտիայում ընդգծվում էր Պաղեստինի Ազատագրության Կազմակերպությանը (ՊԱԿ) վճռական և բազմակողմանի օժանդակության անհրաժեշտության մասին՝ որպես արաբական ազգային-ազատագրական շարժման ամենագլխավոր կազմակերպություն, իսկ արաբական պետությունների հետ հարաբերությունների մակարդակն ու համագործակցությունը պետք է որոշվեր ելնելով այն հանազամանքից, թե ինչ ներդրում ունի այդ երկիրը Պաղեստինի ազատագրության համար մղված պայքարում և պաղեստինյան հիմնահարցի լուծման գործում¹⁴: Հարկ է նշել, որ ՄՄԿ-ն ընդհանրապես միջարաբական հարաբերությունների զարգացումը ուղղակիորեն կապում էր Պաղեստինի ազատագրության և արաբական բռնի գրավյալ տարածքների վերադարձման հետ, քանի որ արաբական երկրները միակարծիք չէին Պաղեստինի խնդրի և ընդհանրապես մերձավորարևելյան հակամարտության կարգավորման մեթոդների և միջոցների ընտրության մեջ: Հաստատելով Բասս կուսակցության ռազմավարական գծի ժառանգականությունը մերձավորարևելյան հակամարտության մեջ, սիրիական նոր ղեկավարությունը՝ Ասադի գլխավորությամբ, հաստատում էր, որ նրա գործունեությունը ենթարկված կլինի միակ գլխավոր նպատակի՝ այնպիսի ուժեղ պետականության և հասարակության ստեղծմանը, որը ընդունակ կլինի հասնել Իսրայելի կողմից օկուպացված արաբական տարածքների ազատագրմանը և պաղեստինյան խնդրի լուծմանը: Չնայած այն հանգամանքին, որ սկզբնական շրջանում Ասադը նույնպես չէր ընդունում 1967թ. արաբա-իսրայելյան պատերազմից հետո՝ 1967թ. նոյեմբերի 22-ին ՄԱԿ-ի Անվտանգության խորհրդի ընդունած թիվ 242 բանաձևը, այնուամենայնիվ հարկ է նշել, որ Միջին Արևելքի մերձավորարևելյան և ընդհանրապես միջարաբական քաղաքականությունը 70-ական թթ. ընթացքում ձեռք բերեց ճկունություն, աստիճանաբար ընդունվեց փոխզիջումային քաղաքականությունը, սկսեցին ի հայտ գալ գործնական և իրատեսական բնույթ կրող մտեցումների տարրեր:

Անհրաժեշտ է նաև նշել, որ խարտիայով որոշ չափով սահմանափակվում էին ճակատի մեջ ներգրավված ոչ բասսական ուժերի գործունեության շրջանակները, որոնք պարտավորվում էին ճակատից դուրս չստեղծել որևէ խմբավորումներ և չվարել կուսակցական-գաղափարական և քաղաքական գործունեություն ոչ երիտասարդության, ոչ բանակային շրջաններում, ինչպես նաև դադարեցնել ուսանողների անդամագրումը իրենց կազմակերպություններում¹⁵:

ԱԱԾ-ի հիմնական մարմինը կենտրոնական ղեկավարությունն էր, ճակատն ուներ նաև կառուցվածքային մասնաճյուղեր երկրի բոլոր մուհաֆազաներում, այսինքն՝ մարզերում¹⁶: Կենտրոնական ղեկավարությունն իրականացնելու էր հետևյալ գործառնությունները. կազմակերպելու էր խարտիայի իրագործումը, մշակելու էր ԱԱԾ-ի գործունեության ծրագիրը, սահմանելու էր ճակատի մասնաճյուղերի ղեկավարության կազմը: Առաջադիմական ճակատի նախագահն ինքն էր հրավիրելու կենտրոնական ղեկավարության նիստերը, և նա էր իրականացնելու ընդունված որոշումների, ինչպես նաև խարտիայի և կանոնադրության դրույթների իրագործման հսկողությունը: Կենտրոնական ղեկավարությունը պարբերաբար խորհրդակցություններ էր անցկացնելու ամիսը երկու անգամ, իսկ նախագահի առաջարկությամբ կարող էր գումարել արտահերթ նիստ: Կենտրոնական ղեկավարության նիստերը փակ էին լինելու, քացառությամբ հատուկ դեպքերի, իսկ որոշումներն ընդունվելու էին ձայների մեծամասնությամբ¹⁷: Ինչպես վերը նշվել էր, կենտրոնական ղեկավարության տասնյոթ անդամներից ինը քաասականներ էին և հաշվի առնելով այն հանգամանքը, որ բոլոր որոշումները պետք է ընդունվեին ձայների մեծամասնությամբ, կարող ենք եզրակացնել, որ Բաասը, ըստ իր կամքի և հայեցողության, կարող էր անցկացնել ցանկացած որոշում, առանց հաշվի առնելու ճակատում ներկայացված մյուս կուսակցությունների կարծիքն ու դիրքորոշումը:

Առաջադիմական ճակատի կանոնադրության 5-րդ հոդվածը սահմանում էր, որ «ճակատի մասնակիցները իրականացնում են ընդհանուր քաղաքական գործունեություն ճակատի շրջանակներում: Ճակատը իրավունք ունի հրատարակել իր թերթը, շրջաբերականներ և այլ տպագիր հրատարակություններ: Ճակատի մասնակիցները օգտվում են իրենց կազմակերպությունների շրջանակներում ազատ գործելու իրավունքից», սակայն 4-րդ հոդվածը սահմանում էր, որ «Միրիայի Արաբական Հանրապետությունում պաշտոնական որոշումներ են համարվում ԱԱԾ-ի և Բաասի որոշումները»¹⁸: Փաստորեն ճանաչելով Միրիայում մի քանի քաղաքական կուսակցությունների և հասարակական-քաղաքական կազմակերպությունների գոյությունը, ԱԱԾ-ի կանոնադրությունն սահմանափակում էր նրանց ինքնուրույն գործունեության իրավունքը:

Ազգային առաջադիմական ճակատը ներկայացված էր ինչպես Միրիայի Ժողովրդական ժողովում (պառլամենտ), այնպես էլ կառավարությունում¹⁹: 1972թ. մարտի 23-ին կազմավորված «ազգային միասնության» նոր կառավարությունում իրենց անդամներն ունեին ԱԱԾ-ի բոլոր կուսակցություններն ու կազմակերպությունները:

1973թ. մայիսի 25-ին վերջին տասնմեկ տարում առաջին անգամ Միրիայում տեղի ունեցան Ժողովրդական ժողովի ընտրություններ²⁰: Առա-

ջաղիմական ճակատը հաղթանակ տարավ՝ ընտրություններին մասնակցելով միասնական ցուցակով:

ԱԱԾ-ի ստեղծումը հնարավորություն տվեց Ասադին ավելի վստահ իրագործել իր քաղաքական ծրագիրը, քանի որ նրա մասնակիցները պետք է իրականացնեին Բաասի հավանությանն արժանացած ընդհանուր քաղաքականությունը, իսկ երկիրը ձեռք բերեց ներքաղաքական կայունություն, ինչն անհրաժեշտ նախապայման էր երկրի սոցիալ-տնտեսական զարգացման համար: Ասադի նպատակը Միրիայում ստեղծել միասնական քաղաքական կազմակերպություն, որը նրա գլխավորությամբ երկրում պաշտոնական որոշումներ ընդունելու մեծաշունչ կատանար, հաջողվեց:

Չնայած այն հանգամանքին, որ անդամագրվելով ԱԱԾ-ին և ստորագրելով նրա կանոնադրությունը վերոնշյալ չորս կուսակցություններն ու կազմակերպությունները որոշ չափով զրկվեցին Միրիայի ներքին քաղաքական ասպարեզում ամբողջապես ինքնուրույն գործելու հնարավորությունից, սակայն փոխարենը, նրանք իրենց ներկայությունն ապահովեցին և՛ Ժողովրդական ժողովում, և՛ կառավարությունում:

Փաստորեն Հաֆեզ ալ-Ասադը քաղաքակիրթ և օրինական ճանապարհով նպաստավոր պայմաններ ստեղծեց Միրիայում ամբողջ իշխանությունն իր ձեռքում կենտրոնացնելու համար: Հիմնադրելով Ազգային առաջադիմական ճակատը, դառնալով նրա նախագահը և երկրում օրինականորեն գործող քաղաքական բոլոր կազմակերպությունները դնելով իր ուղղակի հսկողության տակ՝ Ասադն էլ ավելի ամրապնդեց իր և Բաաս կուսակցության դիրքերը Միրիայում, իսկ վերոհիշյալ կուսակցությունների գործունեության սահմանափակումները նախադրյալներ ստեղծեցին Միրիայի՝ իրականում միակռակցական համակարգով պետության վերածվելու համար:

GHARIBJANYAN GEVORG

**THE CORRECTION MOVEMENT AND FORMATION
OF THE NATIONAL PROGRESSIVE FRONT IN SYRIA**
(Summary)

The article deals with the beginning of the Correction Movement in Syria on 16th November, 1970, headed by General Hafez al-Asad and formation of The National Progressive Front (NPF).

On President Asad's initiative the Communist Party of Syria, the Arab Socialist Union, the Socialist Unionists and the Arab Socialist Party under the guidance of the Ba'ath ruling party on 7th March, 1972 signed an agreement about formation of the National Progressive Front. In the article the author discusses also the consequences of establishing the NPF and it's results on the Syrian domestic policy. As a fact Hafez al-Asad controlled all the state organs and instruments of power, though the creation of the NPF was the important initiative to strenghten the internal unity and consolidation. Syria gained stable internal political situation wich was the significant factor for social-economic development.

ԾԱՆՈԹԱԳՐՈՒԹՅՈՒՆՆԵՐ

1. Բաաս (արաբերենից թարգմանաբար վերածնունդ) կուսակցությունը ստեղծվել էր 1947թ. Միրիայում, իսկ 1952թ. միավորվելով սոցիալիստական կուսակցության հետ, վերանվանվեց Արաբական սոցիալիստական վերածննդի կուսակցություն:
2. Ասադը դարձել էր Միրիայի պաշտպանության նախարար 1966թ. և իրեն համարում էր պարտված 1967թ. արաբա-իսրայելյան պատերազմում:
3. Տե՛ս Գ. Մ. Григорян, Позиция Сирии в Ближневосточном конфликте, Ереван, 1989, с. 137.
4. Б. Александров. События в Сирии "За рубежом" 1970, 20-26 ноября, No. 47.
5. Բատրիկ Սիլ. Ալ-Ասադ. Միոսա ալա աշ-շարկ ալ-աուսատ. էջ 267 (արաբերեն):
6. «ալ-Բաաս», Դամասկոս, 17. 11. 1970:
7. <http://assad.org/profile.htm> 25.05.0.
8. Современная Сирия (справочник), Москва. 1974, С. 226.
9. Նիդալ հիզր ալ-րասա 1943-1980, դիոսաս թարիխիյա, թախիլիյա, մուշա-գա, Դիմաշկ, 1983, էջ 122 (արաբերեն):
10. Նույն տեղում, էջ 125:
11. Միրիայի Արաբական Հանրապետությունում Ազգային առաջադիմական ճակատը գործառնում է մինչև այսօր, ավելացել է միայն նրա անդամ կուսակցությունների և կազմակերպությունների քանակը:
12. Атлас Тасс, Еженедельный вестник иностранной информации, 14.03.1972, С. 72.
13. Նիդալ հիզր ալ-րասա, էջ 137:
14. Տե՛ս Хартия Прогрессивного национального фронта САР,-Современная Сирия (справочник), Москва, 1974, с. 350-351., ինչպես նաև՝ М. Мисри, М. Мансур, Прогрессивный национальный фронт//Коммунисты и антиимпериалистическое движение. Москва. 1975, С. 22-23.

15. Хартия прогрессивного национального фронта САР,- Современная Сирия (справочник), Москва, 1974, с. 349.
16. Նիդալ հիզր ալ-րաշա, էջ 137:
17. Sb'u Устав Прогрессивного национального фронта САР,-Современная Сирия, с. 354.
18. Նույն տեղում, էջ 352:
19. Moshe Ma'oz, Asad. The Sphinx of Damascus. A political Biography, Wcidenfeld and Nicolson, London, 1988.
20. Ասադի իշխանավարության ժամանակ Սիրիայում Բաաս կուսակցության կառավարման շրջանում առաջին անգամ համաժողովրդական փակ գաղտնի ընտրությունների միջոցով ձևավորվեց Ժողովրդական ժողով (պառլամենտ):